

## SAMOA

Faatulagaina o Aiaiga

1. Igoa puupuu ma le amataga
  2. Puleaga Faa-Faamasinoga mo fafo atu o le Atunuu
- 

### 2003, Nu. 16

**O SE TULAFONO e teuteu ai le Tulafono o Solitulafono 1961 ina ia aiaia ai mo le Tulafono ia faaaogaina i gaoioiga, mea ua le faia ma mea ua tutupu i fafo atu o Samoa ma mo faamoemoega e faasino i ai.**

*[29 Aokuso 2003]*

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:-

**1. Igoa puupuu ma le amataga-**(1) E mafai ona taua lenei Tulafono o le Tulafono o Teuteuga o le Tulafono o Solitulafono (Puleaga Faa-Faamasinoga mo fafo atu o le Atunuu) 2003 ma e tatau ona faitauina faatasi ma avea ai ma vaega o le Tulafono o Solitulafono 1961 (o le Tulafono).

(2) O lenei Tulafono e tatau ona amata faamamaluina i le aso e tuuina i ai le maliega a le Ao o le Malo.

(3) O le faasilasilaga o le amata faamamaluina o lenei Tulafono e tatau ona lomua faasalalau i le gagana Samoa ma le gagana Peretania i le Savali ma se isi nusipepa o lo o faasalalauina i totonu o Samoa.

**2. Puleaga Faa-Faamasinoga mo fafo atu o le Atunuu-**

(1) Ua soloia nei fuaiupu 3(2), 4, 5 ma le 6 o le Tulafono.

(2) Ua teuteuina le fuaiupu 3 o le Tulafono i le faaofiina i ai ina ua tuana'i le faafuaiupu (1) e faapea:

“(2) O lenei Tulafono ua faaaogaina i so o se gaoioiga po o mea ua le faia po o mea ua tutupu i totonu o Samoa po o so o se isi lava nofoaga.

(3) E tatau ona i ai puleaga i le Faamasinoga o Talosaga ma le Faamasinoga Sili ma le Faamasinoga Faa-Itumalo e fofogaina ai ma fuafuaina so o se mataupu ua aiaia i lenei Tulafono po o se isi lava tulafono e tuuina atu i ia Faamasinoga puleaga e tusa lava pe na tupu i Samoa po o se isi lava nofoaga ni gaoioiga po o mea ua le faia po o mea ua tutupu.”